

სახელმწიფო შესყიდვის შესახებ ხელშეკრულება  
N1-61

ქ. თბილისი

29 ივლისი 2016 წ.

ერთის მხრივ სსიპ „ბირთვული და რადიაციული უსაფრთხოების სააგენტო“ (შემდგომში „შემსყიდველი“) წარმოდგენილი მისი უფროსის ვასილ გედევანიშვილის სახით და მეორეს მხრივ შპს „ოქეი“ (შემდგომში „მიმწოდებელი“) წარმოდგენილი მისი დირექტორის მერაბ წულუკიანის სახით, „სახელმწიფო შესყიდვების შესახებ“ საქართველოს კანონის მე-3 მუხლის პირველი პუნქტის „ს“ ქვეპუნქტის საფუძველზე, გამარტივებული შესყიდვის საშუალებით დებენ წინამდებარე სახელმწიფო შესყიდვის შესახებ ხელშეკრულებას შემდეგზე:

**1. გამოყენებული ტერმინების განმარტებები**

ხელშეკრულებაში გამოყენებულ ტერმინებს აქვთ შემდეგი მნიშვნელობა:

- 1.1 „ხელშეკრულება სახელმწიფო შესყიდვის შესახებ“ (შემდგომ - „ხელშეკრულება“) - შემსყიდველ ორგანიზაციასა და მიმწოდებელს შორის დადებული ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით და დამატებებით და ასევე მთელი დოკუმენტაციით, რომლებზეც ხელშეკრულებაში არის მინიშნებები.
- 1.2 „ხელშეკრულების ღირებულება“ ნიშნავს საერთო თანხას, რომელიც უნდა გადაიხადოს შემსყიდველმა ორგანიზაციამ მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის;
- 1.3 „შემსყიდველი ორგანიზაცია“ (შემდგომ „შემსყიდველი“) ნიშნავს ორგანიზაციას (დაწესებულებას), რომელიც ახორციელებს შესყიდვას;
- 1.4 „მიმწოდებელი“ ნიშნავს პირს, რომელიც მიაწოდებს საქონელს სახელმწიფო შესყიდვის შესახებ მოცემული ხელშეკრულების ფარგლებში;
- 1.5 „დღე“, „კვირა“, „თვე“ ნიშნავს კალენდარულ დღეს, კვირას, თვეს.

**2. ხელშეკრულების საგანი**

- 2.1 წინამდებარე ხელშეკრულების საგანს წარმოადგენს: სსიპ „ბირთვული და რადიაციული უსაფრთხოების სააგენტო“-სათვის 1 ერთული პერსონალური კომპიუტერისა CPV3021300 და 1 ერთული კომპიუტერის კონფიგურაციის CPV30211400 მიმწოდება დანართი N -1-ის შესაბამისად.
- 2.2 ხელშეკრულებით გათვალისწინებული მომსახურება უნდა შესაბამებოდეს წინამდებარე ხელშეკრულების 2 მუხლის 2.1 პუნქტს.

**3 ხელშეკრულების ღირებულება**

- 3.1 ხელშეკრულების ღირებულება შეადგენს 2163,00 (ორიათას ასსამოცდასამი) ლარს დღგ-ს ჩათვლით.
- 3.2 ხელშეკრულების ჯამური ღირებულება მოიცავს ხელშეკრულებით გათვალისწინებული საქონლის მიწოდებასთან დაკავშირებულ ყველა ხარჯს და საქართველოს კანონმდებლობით გათვალისწინებულ გადასახადებს.

**4 ანგარიშსწორების წესი**

- 4.1 ანგარიშსწორება მოხდება ლარებში.
- 4.2 გადახდის ფორმა – უნაღდო.
- 4.3 დაფინანსების წყარო: სახელმწიფო ბიუჯეტი

4.4 ანგარიშსწორება განხორციელდება ფაქტიურად მიწოდებული საქონლის მიხედვით მიღება-ჩაბარების აქტების საფუძველზე და სხვა დოკუმენტაციის (სასაქონლო ზედნადები) წარდგენიდან 10 (ათი) სამუშაო დღის ვადაში.

## 5 ხელშეკრულების შესრულების კონტროლი

5.1 შემსყიდველი უფლებამოსილია განახორციელოს მიწოდებული საქონლის კონტროლი, ხელშეკრულებით გათვალისწინებულ ტექნიკურ პირობებთან შესაბამისობის დადგენის მიზნით.

5.2 მიმწოდებელი ვალდებულია საკუთარი რესურსებით უზრუნველყოს შემსყიდველი კონტროლის (ინსპექტირების) ჩატარებისათვის აუცილებელი ტექნიკური საშუალებით.

5.3 შესყიდვის ობიექტის მიწოდების კონტროლს „შემსყიდველის“ მხრიდან განახორციელებს სსიპ „ბირთვული და რადიაციული უსაფრთოების სააგენტოს“ მოწვეული სპეციალისტი **ზურაბ ფიფაიშვილი** 3/5 01023008309

## 6 მომსახურების გაწევის პირობები

6.1 შესყიდვის ობიექტის მიწოდება უნდა მოხდეს წინამდებარე ხელშეკრულების გაფორმებიდან 2 სამუშაო დღის განმავლობაში.

6.2 შესყიდვის ობიექტის მიწოდება მოხდება მიმწოდებლის ფაქტიურ მისამართზე: ქ.თბილისი თბილისი ცენტრალის ფილიალი.

6.3 მიმწოდებელი ვალდებულია გადასცეს შემსყიდველს უფლებრივად და ნივთობრივად უნაკლო საქონელი დანართი NI-ის შესაბამისად.

## 7 შესყიდვის ობიექტის მიღება-ჩაბარების წესი

7.1 სპეციალური ტანსაცმელის მიღება-ჩაბარება განხორციელდება შემსყიდველისა და მიმწოდებლის უფლებამოსილი წარმომადგენლების მიერ მიღება-ჩაბარების აქტის გაფორმებით (შემსყიდველის მხრიდან მიღება ჩაბარების აქტებზე ხელმოწერას და საქონლის მიღების დადასტურებას განახორციელებს სსიპ „ბირთვული და რადიაციული უსაფრთოების სააგენტოს“ მოწვეული სპეციალისტი **ზურაბ ფიფაიშვილი**).

## 8 პასუხისმგებლობა

8.1 ხელშეკრულებით ნაკისრი ვალდებულებების შეუსრულებლობის ან შესრულების ვადის გადაცილებისათვის მხარეს დაეკისრება პირგასამტეხლოს გადახდა - ყოველ ვადაგადაცილებულ დღეზე ხელშეკრულების ღირებულების 0.1%-ის ოდენობით.

8.2 იმ შემთხვევაში, თუ ვადების გადაცდენისათვის დაკისრებული პირგასამტეხლოს ჯამური თანხა გადააჭარბებს ხელშეკრულების ღირებულების 3%-ს, შემსყიდველს უფლება აქვს ცალმხრივად შეწყვიტოს ხელშეკრულება.

8.3 პირგასამტეხლოს გადახდა არ ათავისუფლებს მიმწოდებელს ძირითადი ვალდებულებების შესრულებისაგან.

## 9 ხელშეკრულების მოქმედების ვადა

წინამდებარე ხელშეკრულება ძალაშია ხელმოწერის დღიდან და მოქმედებს 2016 წლის 30 სექტემბრის ჩათვლით.

## 10 ხელშეკრულებაში ცვლილებების შეტანა

10.1 ხელშეკრულების პირობების ნებისმიერი ცვლილება უნდა გაფორმდეს ხელშეკრულების დანართის სახით, რომელიც ჩაითვლება ხელშეკრულების განუყოფელ ნაწილად.

10.2 თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია.

## ხელშეკრულების შეწყვეტა

შემსყიდველს შეუძლია შეწყვიტოს ხელშეკრულება:

- ა) თუ მიმწოდებელს ხელშეკრულებით გათვალისწინებულ ვადებში არ შეუძლია მიაწოდოს პერსონალური კომპიუტერი.
- ბ) თუ მიმწოდებელს არ შეუძლია შეასრულოს ხელშეკრულებით გათვალისწინებული სხვა რომელიმე ვალდებულება.
- გ) თუ შემსყიდველისათვის ცნობილი გახდა, რომ მისგან დამოუკიდებელი მიზეზების გამო იგი ვერ უზრუნველყოფს ხელშეკრულებით ნაკისრი ვალდებულებების შესრულებას;
- დ) მიმწოდებლის გაკოტრების შემთხვევაში;
- ე) საქართველოს კანონმდებლობით გათვალისწინებულ სხვა შემთხვევებში.

## 11 ფორს-მაჟორი

11.1 ხელშეკრულების დამდები რომელიმე მხარის მიერ ხელშეკრულების პირობების შეუსრულებლობა არ გამოიწვევს საჯარიმო სანქციების გამოყენებას, თუ ხელშეკრულების შესრულების შეფერხება ან მისი ვალდებულებების შეუსრულებლობა არის ფორს-მაჟორული გარემოების შედეგი.

11.2 ამ მუხლის მიზნებისათვის 'ფორს-მაჟორი' ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული შემსყიდველისა და/ან მიმწოდებლის შეცდომებსა და დაუდევრობასთან და რომლებსაც გააჩნია წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნას ომით, სტიქიური მოვლენებით, ეპიდემიით, კარანტინით, საბიუჯეტო ასიგნებების მკვეთრი შემცირებით და სხვა.

11.3 ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, 3 დღის განმავლობაში უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობისდა მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამონახოს ვალდებულებების შესრულების ისეთი ალტერნატიული ხერხები, რომლებიც დამოუკიდებელი იქნებიან ფორს-მაჟორული გარემოებების ზეგავლენისაგან.

## 12 სადაო საკითხების გადაწყვეტა

ხელშეკრულების მოქმედების პერიოდში წამოჭრილი ყველა დავა გადაიჭრება ურთიერთშეთანხმების გზით. შეთანხმების მიუღწევლობის შემთხვევაში, დავის გადასაწყვეტად მხარეები უფლებამოსილნი არიან მიმართონ სასამართლოს საქართველოს მოქმედი კანონმდებლობის შესაბამისად.

## 13 უფლებების გადაცემა

მიმწოდებელმა შემსყიდველის წინასწარი წერილობითი თანხმობის გარეშე, არც მთლიანად და არც ნაწილობრივ არ უნდა გადასცეს მოცემული ხელშეკრულებით არსებული თავისი ვალდებულებები მესამე პირს.

## 14 ხელშეკრულების ენა

ხელშეკრულება შედგენილია ქართულ ენაზე. იმ შემთხვევაში, თუ ხელშეკრულების მეორე მხარე არის უცხო ქვეყნის წარმომადგენელი, მაშინ მეორე ეგზემპლარი ითარგმნება მიმწოდებლისათვის მისაღებ ენაზე. ინტერპრეტაციისას ქართულ ენაზე დაწერილი ხელშეკრულება წარმოადგენს გადამწყვეტს. ხელშეკრულებასთან დაკავშირებული მთელი წერილობითი მოლაპარაკებები და სხვა დოკუმენტაცია, რომელიც გაიცვლება მხარეთა შორის, უნდა შეესაბამებოდეს აღნიშნულ პირობებს.

## 15 შეტყობინების განხორციელება

ნებისმიერი შეტყობინება, რომელსაც ერთი მხარე, ხელშეკრულების შესაბამისად, უგზავნის მეორე მხარეს, გაიგზავნება წერილის, ელექტრონული ფოსტის ან ფაქსის სახით, ორიგინალის შემდგომი წარმოდგენით, ხელშეკრულებაში მითითებული მეორე მხარის მისამართზე.

**16 გადასახადები და დაბეგვრა**

მიმწოდებელი პასუხს აგებს საქართველოს კანონმდებლობით დადგენილი გადასახადების, მოსაკრებლების და სხვა გადასახდელების გადახდაზე, თუ ხელშეკრულებით სხვა რამ არ არის გათვალისწინებული.

**17 დამატებითი პირობები**

17.1 ხელშეკრულება შედგენილია ქართულ ენაზე, სამ ეგზემპლარად, რომელთაგან თითოეულს აქვს თანაბარი იურიდიული ძალა და ინახება ხელმომწერ მხარეებთან (ერთი პირი მიმწოდებელთან და ორი პირი შემსყიდველთან). ხელშეკრულებასთან დაკავშირებული ნებისმიერი მიმოწერა შესრულებული უნდა იყოს ქართულ ენაზე.

17.2 ხელშეკრულებაში ნებისმიერი ცვლილების და/ან დამატების შეტანა შესაძლებელია მხოლოდ წერილობითი ფორმით, მხარეთა შეთანხმების საფუძველზე, ხელშეკრულების დამატებითი შეთანხმების სახით, რომელსაც ექნება იგივე იურიდიული ძალა რაც წინამდებარე ხელშეკრულებას.

**19. მხარეთა რეკვიზიტები**

შემსყიდველი:

მიმწოდებელი:

სსიპ „ბირთვული და რადიაციული უსაფრთხოების სააგენტო“  
მის: ქ. თბილისი, გ. გულუას ქ. N6  
საიდენტიფიკაციო კოდი: 204585564  
მიმღები ბანკი: სახელმწიფო ხაზინა  
მიმღების დასახელება: ხაზინის ერთიანი ანგარიში  
ბანკის კოდი: TRESGE22  
ტელ: 591 40 40 12

შპს „ოქეი“  
ს/კ 204560901  
იურ. მის: ქ. თბილისი, ორბელიანის ქ. N35  
ბანკი: სს „საქართველოს ბანკი“  
კოდი: BAGAGE22  
ა/ა GE95BG000000941704200  
ტელ.: 577 94 95 51

ვასილ გვდევანიშვილი  
სააგენტოს უფროსი

მერაბ წულუკიანი  
დირექტორი




ხელწერილი


ინტერესთა კონფლიქტის არარსებობის შესახებ

ქ. თბილისი

29 ივლისი 2016 წ

ჩვენ, ქვემოთ ხელის მომწერნი ვადასტურებთ, რომ სსიპ „ბირთვული და რადიაციული უსაფრთხოების სააგენტო“ და შპს „ოქეი“-ს შორის 2016 წლის 29 ივლისს N1-61 სახელმწიფო შესყიდვის შესახებ ხელშეკრულების გაფორმებასთან დაკავშირებულ საქმიანობაში ჩვენი მონაწილეობა არ ეწინააღმდეგება „სახელმწიფო შესყიდვების შესახებ“ საქართველოს კანონის მე-8 მუხლის მოთხოვნებს.

 ვასილ გედევანიშვილი

 ზურაბ ფიფიაშვილი

 თამარ გულიაშვილი

2016 წლის 29 ივლისს გაფორმებული სახელმწიფო შესყიდვების შესახებ N1-61 ხელშეკრულების დანართი N1

№	საქონლის დასახელება	რაოდ.	ერთ.	ფასი	თანხა
1	კომპიუტერი და მონიტორი ALTA 64986	1	ც	769.00	769.00
2	IT-აქსესუარი SVEN/RX-325	2	ც	10.00	20.00
3	IT-აქსესუარი SVEN/COMFORT 740 EL	1	ც	28.00	28.00
4	IT-აქსესუარი SVEN/STANDART 303	1	ც	23.00	23.00
5	კომპიუტერი და მონიტორი SAMSUNG LS22B300BS	1	ც	329.00	329.00
6	მაკომპლექტებელი CPU/INTEL CORE I3	1	ც	343.00	343.00
7	მაკომპლექტებელი KINGSTONE DDR3 4 GB	1	ც	92.00	92.00
8	მაკომპლექტებელი BIOSTAR LGA 1150	1	ც	113.00	113.00
9	მაკომპლექტებელი INTEL LGA 1155	1	ც	14.00	14.00
10	მაკომპლექტებელი HDD/EXTERNAL 2.5/500GB	1	ც	145.00	145.00
11	მაკომპლექტებელი SAMSUNG SH-224DB	1	ც	47.00	47.00
12	მაკომპლექტებელი COOTO MIDITOWER/COTOO 335B 400W	1	ც	59.00	59.00
13	მაკომპლექტებელი VIDEO ADAPTER PCI	1	ც	181.00	181.00
სულ: 2163.00 დღგ-ს ჩათვლით					

სსიპ - ბირთვული და რადიაციული უსაფრთხოების სააგენტო

ვასილ გედევანიშვილი  
სააგენტოს უფროსი

